

編號：492

筆畫：13

篇名：鄒忌諷齊王納諫

作者/編者/譯者：

出處：《戰國策》；中學中國語文課程綱要（1990）建議採用

寫作年份：漢代輯編

文白語體：文言文

字數篇幅：約 450 字

表達方式：記敘

結構層次：

第一大段：寫鄒忌不因妻、妾、客的奉承而受蒙蔽。（第 1 至 2 自然段）

第 1 小層：妻、妾、客的奉承。（第 1 自然段）

第 2 小層：鄒忌的自省。（第 2 自然段）

第二大段：寫鄒忌以自己的事情設喻，諷諫齊王；齊王納諫去蔽。（第 3 至 4 自然段）

第 1 小層：鄒忌入朝諷諫齊王納諫去蔽。（第 3 自然段）

第 2 小層：齊王納諫後國勢大振。（第 4 自然段）

篇章主旨：

本文寫了鄒忌從個人小事聯想到國家大事，進諫齊威王；齊王虛心納諫，廣開言路，勵精圖治，使齊國國勢大振。

附：原文

鄒忌諷齊王納諫

《戰國策》

1 鄒忌脩八尺有餘，形貌昳麗。朝服衣冠，窺鏡，謂其妻曰：「我孰與城北徐公美？」其妻曰：「君美甚，徐公何能及公也！」城北徐公，齊國之美麗者也。忌不自信，而復問其妾曰：「吾孰與徐公美？」妾曰：「徐公何能及君也！」旦日，客從外來，與坐談，問之客曰：「吾與徐公孰美？」客曰：「徐公不若君之美也！」

2 明日，徐公來。孰視之，自以為不如；窺鏡而自視，又弗如遠甚。暮，寢而思之曰：「吾妻之美我者，私我也；妾之美我者，畏我也；客之美我者，欲有求於我也。」

3 於是入朝見威王曰：「臣誠知不如徐公美，臣之妻私臣，臣之妾畏臣，臣之客欲有求於臣，皆以美於徐公。今齊地方千里，百二十城，宮婦左右，莫不私王；朝廷之臣，莫不畏王；四境之內，莫不有求於王。由此觀之，王之蔽甚矣！」王曰：「善。」乃下令：「臣吏民，能面刺寡人之過者，受上賞；上書諫寡人者，受中賞；能謗議於市朝，聞寡人之耳者，受下賞。」

4 令初下，群臣進諫，門庭若市。數月之後，時時而間進。期年之後，雖欲言，無可進者。燕、趙、韓、魏聞之，皆朝於齊。此所謂戰勝於朝廷。